

Joseph Fallen

**La fauto
d'un paire**



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

SCENO PROUMIERO

MARTO, LISO

LISO (à la desesperado)

Oh! ma maire, si pòu que ma jouvènço en flour
Siegue tant mal-astrado!... O mei pantai d'amour,
Si pòu que dins l'òublit àgui plus qu'à vous traire!

MARTO (S'aubourant)

Mai perqué moun enfant plouro?

LISO (dins sei gème)

Ma boueno maire,
Coumo siéu malurouso!

MARTO (embrassant sa fiho)

Ah! vène dins mei bras
Espurga ta doulour e prene de soulas!

LISO (dins lei bras de sa maire)

Oh! que siéu malurouso!

MARTO

A voueste amour countràri.
Coumo arribo, ma bello, encaro quauque auvàri?

LISO (entre sei lagremo)

Proufitant de la fèsto, Auzias es vengu
Pèr mi vèire....

MARTO (caressanto)

Qu'es brave!

LISO

E tout-just, esmougu,
Nous erian rescountra, que moun paire en furio
Nous a sousprés.